

Awani Rangers

1 Januari 2018

http://www.astroawani.com/berita-malaysia/uthm-komited-lahir-ramai-sukarelawan-melalui-kursus-kepimpinan-164412?_ga=2.172492583.566629082.1518309575-1049841800.1518309574

UTHM KOMITED LAHIR RAMAI SUKARELAWAN MELALUI KURSUS KEPIMPINAN

Awani Rangers UTHM, AstroAwani | Diterbitkan pada Disember 31, 2017 21:05 MYT

Facebook Twitter Email Google whatsapp icon

UTHM komited lahir ramai sukarelawan melalui Kursus Kepimpinan



Kursus ini sebagai pendekatan penting dalam meningkatkan semangat sukarelawan. -Foto AWANI Rangers UTHM

BATU PAHAT: Bagaimanaya semangat kesukarelawan dalam kalangan pelajar institusi pengajian tinggi (IPT), Universiti Tun Hussein Onn Malaysia (UTHM) dipilih menjadi tuan rumah bagi penganjuran Kursus Kepimpinan Sukarelawan Kebangsaan Zon Selatan bagi tahun 2017 yang berlangsung pada 15 hingga 17 Disember lalu.

Menurut Timbalan Naib Canselor (Hal Ehwal Pelajardan Alumni), Prof Madya Dr Asri Selamat, kursus yang diuruskan oleh Pejabat Hal Ehwal Pelajar, UTHM dengan kerjasama pihak Majlis Sukarelawan Universiti-Malaysia (MASKUM) ini melibatkan penyertaan 100 peserta dari seluruh IPT di Malaysia.

Tambahnya, objektif utama penganjur kursus ini adalah bagai mendekatkan para sukarelawan IPT dengan masyarakat luas sekaligus mewujudkan nilai-nilai University-Community Engagement (UCE) dan hubungan baik di antara universiti dan penduduk setempat.

"Apa yang menarik dalam kursus ini ialah di samping dimotivasi dengan semangat kesukarelawanan, para peserta turut melakukan aktiviti amal seperti 'Buy & Donate' yang mana hasil kutipan aktiviti tersebut disalurkan kepada rumah-rumah kebajikan yang dipilih dan jugamangsabanjir," katanya.

Sementara itu, peserta kursus Hazim Halim pula menjelaskan program ini dapat mendedahkannya berhubung berkaitan kerja-kerja kesukarelawanan dengan lebih mendalam selain mampu melatih peserta untuk berkomunikasi dengan lebih baik dengan masyarakat.

Bagi yang seorangsukarelawan itu bukan hanya dapat menyumbang daripada segenap wang ringgit tetapi mereka juga boleh menggunakan apa sahaja kaedah yang ada untuk membuat amal kebajikan.

*Laporan ini disediakan oleh Awani Rangers, Nurul Atiqah Rohaizad dari Universiti Tun Hussein Onn Malaysia (UTHM) dan disunting oleh Suriyati Baharom.

**Awani Rangers ialah inisiatif Astro AWANI bagi menggalakkan pelajar Institut Pengajian Tinggi berkongsi cerita serta menghasilkan bahan berita dan informasi dalam era kewartawan moden.

**Awani Rangers UTHM ialah inisiatif kerjasama strategik Astro AWANI dan Universiti Tun Hussein Onn Malaysia (UTHM).